

NOTUULN VAN N JOARVERGADERING VAN T NOABERSCHOP HOLN OP 28 DECEMBER 1996 IN T WAPEN VAN BREDEVOORT

1. OPENING

Anwezig: Calinde, Hayco, Michiel, Cees, Annet, Nathalie, Gerriane, Irma, Frank, Joop, Martijn, Joost, Ard, Paul, Marcel, Patrick Ko., Arnold, Han, Bertho, Guido, Hans O., Patricia, Martine, Mark O., Arjan A., Joris, Hans K., Marc H., Mark W., Ellen, Arjan N., Henk O., Ivonne, Gerrie, Coen, Wilko, Dianne, Geralda

Ofmeldingn: Ivo, Bert, Theo, Derrien

2. JOARVERSLAG

t Nije bestuur las oet t joarverslag umstebeurtn n stuksken veur. Noa n tied preseteerdn Dianne de joarofrekkening. Der werd ofgeloopn joar verlees dreaid van f 27,08. Der mist ok wat geld (honderd guldn) oet de kas, Dianne had doar gin declaraties van. Ok stun der minder geld op de bank (f185). Annelies is noe op stage in België, dus Dianne kon heur nich noavroagn oawer wat der almoal gebeurd was. Vervolgens werdn n Joardagkmissie bedaankt. t Leste ding wat t oalde bestuur deed was n rondje gevn.

3. BESTUURSWISSEL

=> As eerste legdn Coen zien taak as neugnoaber neer. De nije neugnoaber is Johan Scholte (bie verstek). Der was commentaar op t feit dat e n Drent was en eigenlijk nich bie t Noaberschap mag. Mer t warn meest oaldnoabers wel doar commentaar op hadn.

=> Doarnea werdn n niejen schriever bekend maakt. Wilko dreugn de taak op an Frank. Mer nich de veer die der bie heurt, Wilko had m in Wageningen loatn lign.

=> De nije kapitalist (pin) van t Noaberschap werd Arjan N. Hee zean dat hee de pröttel van Annelies wa zol oproemn en alles better bie zal hoaln.

=> Joost is n niejen veuropscheeter. Hayco gaf m de klootzak van t Noaberschap, wel nog n moal neait mot wordn. Joost zochn ok nog leu om n moal met te doon aan n survival, mer doar warn gin noabers veur te vindn. Ok Joost kreeg commentaar te verwearkn, umdat hee met de Bataviernrace ok met Tartletos had metdoan.

=> Toen kwam de grötste schok. Calinde zea dat Annelies (wel zo'n kroam van de kas had maakt) vlöggelaar zoln wordn. Mer ja, t bestuur had niemand anders kunn vindn, dus doarum.

=> As leste kon Geralda heur veurhamer(schop) oawerdreagn an 'de breur van', namelijk Henk Overbeek. Hierbie gebeurdn der niks biezonnders.

4. JOARDAGKEMISSIE

De nije joardagkmissie werd geliek noa n bestuurswissel installeerd. De leu wel doar in zit bint: Gerrie, Dianne, Gerriane, Arjan A., Hayco, Cees en Frank.

5. OALDNOABERS

De leu wel oaldnoaber woln wordn bint: Coen, Gerrie, Ivonne, Dianne, Hans O., Joop, Annet en Theo (bie verstek). (Ok werdn Ivo, Angela, Derrien en Bert veurdraagn, mer zie hebt zich nich doarveur anmeld.)

Noe werd'n t drök tied dat t nije bestuur ok n rondje gaf. Dit is dan ok gebeur'd. Joost wol'n de fles'n foezel wel warn oawerblev'n innem'n. Toen niemand die gaf, gung Joost zelf in de jasn zeuk'n. Hee had der een vund'n, mer later löt hee m val'n.

6. RONDVROAG

=> Annet wol wet'n of der nog n oavndprogramma was. Herman Finkers komt nich, dus wiej goat mer noar de Radstake.

=> Gerriane neugn alle noabers oet um n moal te goan stap'n bie Dieka. Dit geet deur op 22 februari. Wiej kunt bie heur sloap'n. Zee stun ok nog in de Oogst.

=> Joop plaatst'n kanttekening bie de aanwezigheid van t nije bestuur ofgeloop'n joar. Der is gineen alle kern west. Veural op Annelies had hee commentaar. Zie was n half joar vöt west (op stage), had n rotzooi van n kas maakt, mer zie komt toch weer in t nije bestuur.

=> Martijn maak'n n complimentje veur t oalde bestuur, umdat der ofgeloop'n joar zovöl nije leed'n bint wearft (30 eerstejoars). Henk roop'n de oaldnoabers op um veur oons nije leed'n te wearv'n, kunt zie nog wat nuttigs doon. Gerriane wol de oaldnoabers per joar tien guldn loat'n doneern, mer dit geet nich deur. Wel is der ofsprök'n dat de oaldnoabers, wel nog notuul'n wilt kriegn, f 12,50 mot betaaln, veur t kopieern en de port. Der bint nog wa wat oaldnoabers wel de notuul'n blievend wilt kriegn. As zie nog notuul'n wilt kriegn mot zee f 12,50 oawermaak'n op rekkeningnr. 3670.10.518 van t Noaberschap in Wageningen. Wieders werd'n der nog opmarkt dat veural de öalere oaldnoabers weinig belangstelling toond'n veur t Noaberschap. Volgens Mark Wolbert komt dat umdat ieder joar noar n joardag te vaak was veur hen. Hee zean dat as der n kindercrèche zol wenn dat zie dan wa zult kom'n. Wiej hopt mer dat zie wa bie t lustrum wilt kom'n.

=> Hayco bedank'n alle noabers veur de sportieve inzet van t ofgeloop'n joar. Wiej hebt ok nog twee bekern wonn: een bie t kloatscheet'n in Maanderven (met t vrouwnteam, wel de enigst'n warn in hun klasse) en een bie Rondje Rijnsteeg (joa leu, wiej bint met n team doar as tweede eindigt!).

=> Ard hopt dat de nije vlöggelaar wa altied op de activiteit'n komt wel zee organiseert. Veural as wiej met de bus vort mot. => Bertho zag n oplossing veur de verdweenn honderd guldn in de kas. Wiej hebt n Drent bie t Noaberschap... (en ok n Freez)

=> Guido vrögn hoevöl eerstejoars wiej hebt. Der bint der dertig biekom'n, woar woarschienlik tien van oawerbleeft.

=> Hans Overbeek wens'n ons succes veur t ankomnde joar.

=> Patrick vindt dat wiej fit en enthousiast bie de AID nije leed'n mot wearv'n, en nich met n dik'n kop in t grös mot goan lign (he Arjan? Ie hebt wa good midweenterhoorn bloaz'n).

=> Joris vund dat t tied was um n lustrum- en n almanakkemissie op te richt'n. In n veurlopige lustrumkemissie zit Joris, Ivonne, Annet, Martijn en Hans O. In n almanakkemissie zit Hans K., Hans O. en Annet. Hans O. wil Patrick in n niejn kemissie hebn, namelijk de 'Annelies-controle-kemissie'.

=> Dianne wil de nije pin goan help'n veur n zetken.

=> Geralda vrög zich of woar de fotokemissie was. Wilko was der wa, mer Mark Wolbert hef foto's maakt.

=> Frank meark'n op dat hee de enigste Tukker in t bestuur is, tesaamn met 4 Achterhoekers en den Drent, mer ik mag took'n joar wa gebroek maak'n van mien censurrecht, zean Annet. Disse notuul'n bint doarum ok in de nije Twentse spelling speld.

7. NOABERLEED

t Noaberleed werd nog wa deur de meest'n zong'n. Ok iedereen van t bestuur zong wa met (echt woar!).

8. ZWAMVROAG

Wiej kwaamn der achter dat Koppelman gin foezel had metnöm'n en zien verplichtingn as oaldnoaber had verzaakt, mer hee was ok te laat veur t kloatscheetn.

DE VOLGNDE VERGADERING IS OP 9 JANUARI UM HALF 9 IN DE WOESTE HOEVE.

Agenda:

Opening

Notuuln veurige keer

Activiteitn

Kemissies

Sport

Pin

Rondvraag

Noaberleed

Zwamvraag

ADRESWIEZIGINGN

Joop Lensink (per 1 februari):

INRA

Centre de Recherches Clermont-Ferrand/Theix

63122 St. Genès-Champanelle

Marc Hulst:

Haarweg 19

6709 PH Wageningen

0317-410688

Hans Koehorst en Annet Velthuis:

Thorbeckestraat 152 (sterflat is dat)

6702 BW Wageningen

0317-422405

Wissie dat:

- * Hans weer probeert um te scoorn.
- * Hee denkt dat t moeilik zal wordn, mer hee hef goein hop.
- * Hee van plan is um met n (andere) vrouw te fuseern.
- * Ard last begint te krieg'n van stress.
- * Marc Hulst bie de Radstake doarvan bienoa t slachtoffer was.
- * Geralda deur vrömde kearls woarm wordt hoaln.
- * Gerriane in de Oogst hef stoan.
- * Hayco zien olieboln nich zo populair bint.
- * Robert was vergetn dat der n joardag was.
- * Hee toch wa bie de Radstake was.
- * Henk O. zien nije taak nog nich an kan.
- * Hee was veur twaalf uur vertrokn oet de Radstake.

Frank